

CYNGOR CYMUNED CRYMYCH - CRYMYCH COMMUNITY COUNCIL

Clerc - Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com Ffôn/Tel 01239 920180

Cofnodion cyfarfod Cyngor Cymuned Crymych 01/07/2021

Eitem	Prif Bwyntiau Trafod	Pwyntiau Gweithredu
1. Croeso ac Ymddiheuriadau	Yn bresennol Cynghorwyr: Emyr Thomas, Cris Tomos (Caderiydd), Roger Howells, Keith Davies, Clerc: Bethan Williams Ymddiheuriadau: Bill Davies, Eirlys Twigg, Arwyn Rees, Hywel Lewis	
2. Cofnodion cyfarfod y 14eg o Fai	Cynigiodd Roger Howells eu bod yn gywir, eiliodd Cris Tomos ac fe'u derbyniwyd fel cofnod cywir.	
3. Materion yn Codi o'r Cofnodion	Hysbysfwrdd yn Llanfyrnach - - Mae Gwelliant Preseli yn brysur iawn a Cris Tomos heb gael gafael arnyn nhw ers y cyfarfod diwethaf. Arwyddion Baw Cŵn - Mae'r arwyddion wedi eu dylunio acyn cael eu creu. Ail Dai - Gohiriwyd cyfarfod Cyngor Nefyn nes cyhoeddiad Mark Drakeford ar dai. - Trefnwyd cyfarfod ar y 30/06/2021 gan Siarter Cartrefi a Chymdeithas yr Iaith er mwyn tynnu mudiadau a grwpiau sy'n ymgychu ar dai at ei gilydd, i weld a fyddai modd cydweithio. Roedd Cris Tomos yno a chynrychiolaeth dda o gynghorwyr a phobl o Sir Benfro. Prosiect Ymchwil Gyda'n Gilydd Dros Newid - Mae Cris Tomos wedi cofrestru. Rhandir Hermon - Mae Cris Tomos wedi siarad gyda'r rhan fwyaf o bobl sydd yn rhentu plot, y bwriad yw creu grŵp anffurfiol. - Bydd grant ar gael y gallan nhw roi cais amdano er mwyn torri'r clawdd a gwneud unrhyw	Cris Tomos i ddilyn lan

	welliannau i'r rhandir. Clos yr Helig - Mae un person wedi cael cymorth gan Cris Tomos i symud ac mae un yn y broses o symud. - Mae tyllau wedi'u llenwi a gwenwyn wedi ei osod	
4. Gohebiaeth	Ysgol Eglwysrwrw - Fe wnaeth Cris Tomos ddatgan diddordeb gan ei fod yn Llywodraethwr ar yr ysgol. - Fe wnaeth Emyr Thomas ddatgan diddordeb gan fod ei wraig yn dysgu yn yr ysgol. - Er nad oedd yn bresenol, nodwyd mai Arwyn Rees yw Cadeirydd bwrdd y Llywodraethwyr. - Gan fod plant yn byw ar gyrion Eglwysrwrw ac yn ward Crymych daeth cais am arian ar gyfer paent a deunyddiau er mwyn gwella tu fas i'r ysgol. - Nodwyd nad yw ysgolion yn cysylltu i holi amarian ar gyfer gwella'r ysgol fel arfer. - Cynigiodd Roger Howells bod cyfrannu £50 gan mai llond llaw o blant y ward sydd yn mynd i ysgol Eglwysrwrw. Eiliodd Keith Davies a chytunwyd i roi £50 Cylch Meithrin Crymych - Daeth cais am arian gan y Cylch Meithrin ar gyfer deunyddiau chwarae awyr agored. - Cynigiodd Roger Howells gyfraniad o £200. Eiliodd Cris Tomos ac fe gytunwyd i roi £200.	Bethan i holi am fanylion banc yr ysgol. Bethan i holi am fanylion banc y Cylch Meithrin
5. Cyllid	- Arian Mewn: £0 - Arian Mas: £4543.19 - Balans y Cyfri ar ddiwedd Mai: £11,153	
6. Unrhyw Fater Arall	Maes y Frenni - Fe gysylltodd rhwyun i ddweud fod yr heddlu wedi dweud wrth blant oedd yn chwarae ar bwys Maes y Frenni i fynd lawr i chwara ym mharc Crymych, ond roedd y person gysylltodd yn teimlo bod hynny'n bell i'r plant ieuengaf ac awgrymodd y gallai'r tir tu ôl i CCF gael ei ddefnyddio fel parc. - Roedd yr heddlu wedi cysylltu gyda Cris Tomos hefyd, i ddweud iddyn nhw symud plant oedd yn chwarae yn agos at y rhewl mewn man peryglus. - Nid y cyngor cymuned sydd biau'r tir ym Maes y Frenni ond gallai hen offer fod ar agel os bydd Prosiect Crymych yn cael offer newydd. - Bydd Cris Tomos yn awgrymu hefyd bod llwybr yn cael ei greu er mwyn i bobl allu cerdded heibio Ysgol y Frenni, lawr heibio'r cae pob tywydd ac am Station Yard fel ei bod yn fwy diogel i gerdded. Ysgol Bro Preseli - Cytunodd y Cyngor Sir mewn cyfarfod ddechrau'r wythnos i ysgolion y Preseli a'r Frenni i	Cris Tomos i ateb i nodi'r isod.

	uno i greu ysgol 3-19 gan yr enw Ysgol Bro Preseli. • Rhonwen Morris, pennaeth presenol Ysgol y Preseli, fydd pennaeth yr ysgol newydd. • Bydd yr ysgol newydd yn agor ar ôl Pasg flwyddyn nesaf. • Bydd angen llywodraethwyr maes o law. Dymp Hermon • Bydd ymgynghoriad yn cael ei lansio wythnos nesaf ar y gyfleusterau cael gwared ar wastraff yn y sir. • Bydd tri chynnig: i gau dymp Hermon, i leihau'r oriau neu i gydweitho gyda menter arall. • Bydd angen annog pobl i ymateb - gallwn ni rannu'r wybodaeth ar dudalen facebook y cyngor a chael copiau papur i'w rhoi yn rhai o siopau Crymych. • Gallwn ni hefyd greu templad i helpu pobl i lunio ymateb. • Roedd pawb yn benderfynol bod angen cadw'r dymp ar agor. Mainc Pentre Galar • Mae mainc er cof am Jams Dafi, oedd yn gyfrifol am bwyso am wella'r ffyrdd yn yr 1830au, angen ei pheintio. • Mae Keith Davies yn fodlon gwneud y gwaith hynny.	
7. Dyddiad a lleoliad y cyfarfod nesaf	• Nos Iau yr ail o Fedi • Os bydd Llyfrgell Crymych ar agor i gyfarfodydd erbyn hynny a bod rheolau'n galluogi hynny byddwn ni'n cwrdd yn y llyfrgell.	Cris Tomos i holi'r gofalwr